

Qaffasissunik atorfillit suliunnaarsitaangaangamik imal. soraarsitaagaangamik (Gyldne håndtryk) aningaasarpassuarnik pissarsisinneqartarnerata nunatsinnut naleqqutinngittup allanngortinneqarnissaa siunertaralugu oqallinnissamik siunnersuut.

(Inatsisartunut ilaasortaq Randi Broberg, Partii Inuit)

Akissuteqaat

(Aningaasaqarnermut Nunamullu Namminermt Naalackersuisoq)

Siullermeerneqarnera

Aallarniutigalugu Naalackersuisunit erseqqissaatigerusupparput, Namminersorlutik Oqartussani imaluunniit suliffeqarfinni Namminersorlutik Oqartussanit pigineqartuni suliunnaarnermi aningaasarpassuarnik pissarsisitsisarnermik aqqissuussaqaangimmat.

Sulisut kattuffiinik arlalinnik Namminersorlutik Oqartussat isumaqatigiissuteqarput, tassalu allaffinni pisortaniit qummut piffissami aalajangersarneqarsimasumi aningaasarsiaqartinneqartassasut, namminneq kissaatiginngisaminnik suliunnaarsitaagunik taamalu atorfeqartitaanermi atugassaritaminik unioqquitsisuusimanatik. Aalajangersimasumik allaffinni pisortaniit qummut qaammatini 12-ini aningaasarsisinneqartarput, qaammatit 12-it inorlugit atorfeqarsimagunik - aammalu qaammatini 18-ini aningaasarsisinneqartarlutik qaammatit 12-it sinnerlugit atorfeqarsimagunik.

Allaffinni pisortaniit qummut Namminersorlutik Oqartussani pisortat namminneerlutik suliunnaartut, tamatuma kingorna aningaasarsiaqartinneqartanngillat. Pisortat, ukiunut aalajangersimasunut atorfinitsinneqarsimasut, isumaqatigiissutini pissutsit naapertorlugit ataasiakalaartunik aningaasanik pissarsitinneqartarput ukiunut aalajangersimasunut atorfinitsinneqarsimanermi ukiunut aalajangersimasunut atorfeqartitaanerup qaangiunnerani ukiunut tamanut atorfeqarfigisimasaminnut qaammammusiat ataatsit amerlaqataannik. Tamanna sulisut kattuffiinik isumaqatigiissuteqarfiuvoq.

Ingerlatseqatigiiffinnut Namminersorlutik Oqartussanit pigineqartunut tunngatillugu, erseqqissaatigineqassaaq, aktiaateqarluni ingerlatseqatigiiffiit pillugit inatsimmi § 51 imm. 1 naapertorlugu aktiaateqarluni ingerlatseqatigiiffinni immikkut ittumik siulersuisut piginnaatitaaffigimmassuk qullersaqarfimmit isumaqatigiissuteqarsinnaaneq. Taamaattumik Naalackersuisunit toqqaannartuunngitsumik siunissami qullersaqarfinnut isumaqatigiissuteqarsinnaanerit sunniivigineqarsinnaapput siulersuisunut innersuussuteqaatit aqutigalugit.

"Aktiaateqarluni ingerlatseqatigiiffinni tamakkiisumik ilaannakuusumilluunniit Namminersorlutik Oqartussanit pigineqartuni pitsaasumik ingerlatseqatigiiffinnut siulersuisuunermi malittarisassani" immikkoortoq 6-imi Naalackersuisut arlalinnik kaammattuuteqarput, siulersuisut qanoq iliorlutik qullersaalluni pisortamut atorfilinnullu aqutsisuusunut akissaateqartitsisarnermik politikimit aalajangersaasassasut.

Eqikkarlugu Naalackersuisunit naatsorsuutigineqarpoq ingerlatseqatigiiffiit qullersaqarfiinut aningaasarsiaqartitsisarnermik atugassarititaasuni nalinginnaasumik ingerlatseqatigiiffiit aningaasaqarniarnerat aamma anguniakkanik eqquutsitsiniarnerit malinneqartassasut. Ilanngullugu aningaasarsiaqartitsineq inuiaqatigiinni aningaasarsiat ineriartornerinut sanilliullugu naammaginaruussaaq qullersanillu piginnaasaqarluartunik pissarsisiniarsinnaanermik piginniinnarsinnaanermillu periarfissiilluni. Siulersuisusunuku akisussaaffeqartut qullersaqarfimmit isumaqatigiissuteqarnissamut.

Taamatut oqaaseqarlunga oqallilluarnissassinnik kissaappassi.